

## اطمني !!..

اطمنى وامشى وسيبيني يلا وياه افرحى  
مبروك على قلبى الجراح مبروك عليكى مطرحى  
كنتى بتوصى عينيا وقلبى إن انا انساه  
عاملة مخلصه ووفيه وانتى سنين عايشاه



لايقين على بعض جدا اتنين خانوا الامانه  
وغريبة انا وسطكم..

مين غير ما افهم واحس انا كنت سد خانه  
جمعت شملكم ..

كنتى أقرب صديقة وكان اغلى حبيب  
والضربة جاتنى منكم ومجاتش م الغريب



ياما اتكلمتى عنه ياما صغرتى ف صورته

ولا مره ف يوم بخير كنتى بتجيبى سيرته

قلت لى كثير مش شبهى وانى كثير عليه

قلتى دا حد غيرك ..

وانتى بتحلمى بيه...!!

